

Uunga siunnersuut: Piniarneq aallaaniarnerlu pillugit Inatsisartut inatsisaat

(Aalisarnermut Piniarnermullu Naalakkersuisoq)

Akissuteqaat**Pingajussaaneerinninneq**

Siunnersuutip aappassaaneerneqarneranut atatillugu ilisimatitsissutigaa siunnersuutip pingajussaaneerneqarnissaanut atatillugu makku allannguutissat saqummiunnarlugit.

Piniarneq aallaaniarnerlu pillugit Inatsisartut inatsisissaattut siunnersuut inatsisit teknikiatigut misissorneqareernerata kingorna allanngortinneqassasoq siunnersuutigineqarpoq, siunnersuummi §§ 5 aamma 12 inatsisit teknikiatigut assigiinngissuteqarnera pequtaalluni. Taassuma saniatigut kalaallisoortaanii nalimmassaasoqarpoq. Allannguutissat siunnersuummi siunertaavoq siunnersuummi aalajangersakkat eqqortumik oqaasertalerneqarnissaat.

Aammattaq siunnersuutigineqarpoq meeqqat 12-inik ukioqalereersut, suli 15-inik ukioqalinngitsut piniagassanik killilersukkanik piniarnissamut aallaaniarnissamullu periarfissinneqassasut, angajoqqaanik 18-ileereersimasunik peqateqarnermi, imaluunniit angajoqqaatut akisussaatitaasoq imaluunniit inuk 18-ileereersimasoq peqatigalugu (perngarneq).

Siunnersuummiit § 19 peerneqarmat taava siunnersuut pisortanut aningaasatigut allaffissornikkullu kinguneqassanngilaq, aallaaniarsinnaanermut misilitsinnissaq pillugu pilersitsineq aamma ingerlatsineq eqqarsaatigissagaanni.

Ataatsimiititaliap aappassaaneerinninnermi isumaliutissiissutaani imm. 7.4-mut malitsit Naalakkersuisut allannguutissamik siunnersuuteqarput, taamaasilluni biologit inassuteqaataat aamma piniartut atuisullu ilisimasaasa nalilersuinerni oqimaaqatigiissumik naligiissinneqarnissaat pillugu.

Taamatut oqaaseqarlunga siunnersuut Inatsisartuni pingajussaaneerinninnermi suliarineqartussanngortippara.

Qujanarujussuaq.